

四庫全書

子部

欽定四庫全書

子部

古今事文類聚新集卷二十八

詳校官中書臣沈 飈

侍讀臣孫球覆勘

總校官編修臣王燕緒

校對官中書臣王家賓

謄錄監生臣武先振

欽定四庫全書

古今事文類聚新集卷二十八

元 富大用 撰

諸寺部

大司農

附司農卿

歷代沿革少皞氏以九扈為九農正

扈通典作鴈注鴈鳥也鴈有九種以

為農號

舜命棄為后稷播時百穀周禮有太府掌九賦

九貢秦為治粟內史掌穀貨韓信歸漢為治粟內史

掌九穀六畜之供膳羞者凡郡國諸倉農監都水六

十五官皆屬焉

通典云屬官有太倉均輸平準都內籍田五令丞

平帝改曰

義和以劉歆為之又改為納言後漢為大司農掌諸

錢穀金帛及諸貨幣郡國四時上月旦見錢穀簿邊

郡諸官請調度者皆為給報損多益寡取相給足郡

國鹽官鐵官並屬歷代皆有梁置十二卿以署為寺

官為春卿唐有司農卿龍朔改為司稼咸亨復卿掌

邦國倉儲委積之事

總四寺諸監謹其出納總上林太倉鉤盾導官四署京師百官

廩祿皆仰給焉朝會祭祀共御所須皆共焉孟春皇帝親籍田之禮有事於先農則奉進耒耜季冬藏冰祭司農以黑牡秬黍仲春啓冰亦如之

宋司農寺判寺事二人以兩制

或朝官以上充熙寧二年立常平斂散法三年詔以

新法付司農寺而農田水利免役保甲等法悉自司

農講行元豐官制行寺判專治外事遂循唐典正其

職秩司農舊職悉歸戶部右曹

續會要

司農掌倉儲委

積之政令總苑圃庫務之事而謹其出納京都吏祿

廩諸路歲運至京師悉掌焉凡苑圃行幸排比及薦

饗進御頒賜植藏之物與造麴藥給薪炭皆戒有司
以時辦具天子親耕藉田則奉耒耜所隸官屬凡五
十倉二十有五草場十有二排岸司四園苑四建炎
三年詔罷司農寺紹興四年復置司農寺卿少各特
置一員元置大司農司有大司農及卿少卿丞等員

羣書要語太府掌九賦九貢注云王者主治藏之長若

今司農矣

周禮

太府下大夫

同上

九扈為九農正扈民無滯

者也

左傳

天倉者司農也

天文要集

司農少府國之泉也

史游急就

篇量者龠合升斗斛也職在太倉司農掌之

漢律
志

惟時

大農爰司金穀粒民是職帝王之盛實在農殖又曰農

臣司均

揚雄大
司農議

改授農政于彼野王倉盈庾億國富兵

彊

文選

乃司大農掌是六府

崔瑗鮑
德詠

陳粟萬石揚簸之

漢武帝
柏梁詩

阜茂豐物和鈞闕石

張華
藏

穡臣司農

同命

爾司

稷之位

公是行
魏棧制

冠儀農扈

慶元
制

農天下之本也故國有

九列而司農氏居其一焉

唐元稹行
裴武授制

假以秩宗之榮用

制國泉之重

同上

古今事實

行不費糧

前漢鄭當時為大司農門下亡貴賤亡留門者執賓禮
下人山東諸公翕然稱鄭莊武帝曰吾聞鄭莊行千里
不費糧

居處節儉

漢宣帝時北海太守朱邑以治行第一為大司農居處
節儉

以清明掌

漢朱邑為大司農張敞與邑書曰足下以清明之德掌

周稷之業

並漢書

以清白稱

高詡字季回以儒學徵拜大司農在朝以清白方正稱

東觀

漢記

稱為名卿

牟融為大司農性明達稱為名卿

同上

稱以清正

後漢鄭眾為司農在位以清正稱

論議便宜

耿國為大司農曉邊事能論議數上便宜事天子器之

學問博通

王孫端學問博通為大司農

非儒不選

唐裴武授制非牟融之循理康成之儒學不在茲選

元
集

傳

非德不交

趙典字仲經為大司農閉門却掃非德不交

並續漢志

漢崇儒學

漢崇儒學選正鄭玄注以公車徵為大司農給安車一

乘所過長吏迎送

六帖

晉寵貞廉

晉寵貞廉任先崔氏注晉崔洪為司農手不執珠玉口

不言貨財

六帖

古今文集

雜著

司農寺壁記

張維

漢置九卿大司農其一也初由治粟內史錢穀之問實
專其責後又置五尚書分主曹事魏稍損益之始置度
支尚書掌軍國支計而大司農之職分矣其屬有度支
左戶右戶倉部金部見於齊志隋更左右戶曰戶部又

更度支尚書曰戶部尚書唐因之初亡所革至中葉國
用不足始置鹽鐵使繼又置度支使未幾罷使名而以
戶部侍郎判度支兼諸道租庸鹽鐵使歷五代以戶部
度支鹽鐵為三司於是有三司使或以重臣判三司或
以宰臣分判一司或以租庸使管轄三司至于國朝則
置左右計使總計使既又罷之三司使如初元豐官制
行三司并入戶部唯常平免役新法與夫農田水利則
隸司農太上中興司農勿用紹興三年復置一丞而卿

少主簿駁駁復矣淳熙三年春治新寺宇舊題名弗稱
迺礮石以易之卿李椿屬維紀事維竊謂九卿非古也
周官六卿與三少為九漢儒附會之說也今倣周制為
六部以戶部掌國計而司農猶為列卿贅矣况倉儲出
納自昔太倉令主之蓋大司農之屬猶今之倉部也以
列卿而行太倉今日惟倉部要束是聽位雖高勢出倉
部下至於軍餉肅給罷於奔命世謂走卿辱矣維下走
也不敢謂辱而維贅是羞又安能紀事乎然堯舜在上

聖政日新稽古建官將又取於斯云

司農少卿

歷代沿革後魏北齊司農寺置少卿隋唐因之宋元豐
正名置少卿為卿之貳建炎三年省紹興四年復置
司農卿少各一員元大司農之下有少卿

羣書要語擢貳農正

曲阜行韓
正彥制

升亞列卿之秩徃司庶

士之生茲為稷官

古今事實

賜絹數十匹

唐韋機拜少卿有宦者於苑中犯法機杖而後奏高宗
嗟賞賜絹數十匹

貯錢三十萬

韋機受詔檢校東都營田苑囿之事高宗謂之曰宮館
隋代所造漸將摧毀頻欲修葺又費財力如何機奏曰
臣任司農向已十年前後省費今見貯錢三十萬貫若
以供葺理可不勞而就也上大悅

責任甚重

國朝莫濟除少卿自禮部員外郎除魏杞奏曰濟常中
詞科且掌南宮牋奏恐議者以為蹊徑未退上曰中都
官不分清濁如司農責任亦甚重以士人除授亦無害
也濟尋奏久任責實詔所論甚當

奏和糴沒官錢

李浩除少卿時朝廷和糴八百萬石而董事者皆有憑
恃賤糴惡濕以欺沒官錢戶部不敢詰公視事即奏請

下有司治大理附會戶部以支為盤公力爭曰是非徒
惠姦且虧軍食上是其議

可嘉熊本

熊本判司農寺丞神宗曰熊本不傷財不害民一旦去
百年之患敷奏詳明可嘉也

親擢高夔

高夔字仲一上親擢為司農少卿倉地卑君始梁空敷
板米以是不腐

司農丞

歷代沿革秦治粟內史有兩丞漢司農丞亦二人或謂之中丞平帝又置大司農部丞十三人人部一州勸農桑後漢司農丞一人部丞一人魏晉因之銅印黃綬進賢一梁冠宋齊以黑綬唐有六人掌判寺事少卿為卿貳而丞叅領寺事宋新法行呂惠卿請始置司農寺丞一員以農田水利免役保甲之法付司農熙寧五年增置丞四員仍與簿輪出按察逐州保甲

元豐四年舒亶請止留丞一員餘並罷明年改制以
司農舊職悉付戶部右曹而始循唐典正其秩職建
炎三年詔罷司農寺紹興三年復置寺丞二員元大
司農司有司農丞

羣書要語擢貳農正

曲阜制

大農事歸地官而丞事一簡

康成行禮執制

惟爾肅將其身蹈履繩檢擢丞農扈以試爾能

張子胡行呂
惜除農丞制

古今事實

給邊省運

唐耿壽昌為大司農中丞奏設常平倉給北邊省轉運

管諸會計

桑弘羊為大司農中丞管諸會計事

漢書

介通嚴恕

宋葉顥字子昂謚正簡遷司農寺丞在朝三年非公事未嘗至丞相府樞密王綸知公恬退而未知其德性欲試以事一日官誥院失錦一端命公治之公請寬其

慢藏之罪於是綸大喜謂其客曰葉寺丞介而嚴通而

恕真重器也

楊誠齋集

古今事文類聚新集卷二十八

欽定四庫全書

古今事文類聚新集卷二十九

元富大用撰

諸監部

秘書監

歷代沿革周外史掌四方之志三皇五帝之書漢圖籍
所在有石渠石室延閣廣內貯之於外府又有御史
中丞居殿中掌蘭臺秘書及麒麟天祿二閣藏之於

內禁後漢圖書在東觀桓帝始置秘書監一人掌典

圖書古今文字考合同異屬太常

以其掌圖書秘記故曰秘書

魏

武帝初置秘書儀依御史臺又置秘書令典尚書奏

事

即中書令之任

文帝置中書令而秘書改令為監以王象

領秘書監撰皇覽掌藝文圖籍之事初屬少府自王

肅為監乃不屬其蘭臺亦藏諸書籍而史掌之晉武

帝以秘書併入中書省其秘書著作之局不廢惠帝

復別置秘書寺併統著作局掌三閣圖書自是秘書

之府始居於外宋齊因之梁改為秘書省陳及後魏亦以秘書與尚書中書門下集書為五省北齊依魏制後周春官府置外史下大夫掌書籍此秘書監之任也而秘監亦領著作監掌國史隋秘書省領著作太史二曹後又改監為令唐武德初改為監龍朔二年改秘書省為蘭臺改監為太史天授初改秘書省為麟閣神龍初復舊掌經籍圖書領著作太史二局通判省事少監為之貳其後國史太史分為別曹而

秘書省主寫書校勘而已宋太平興國二年始建崇

文院昭文館史館集賢院皆總為崇文院及崇拱初

建秘閣

擇三館書集真本并內出石書墨迹等藏之

亦在崇文院中淳化

元年詔秘閣次三館秘書省仍隸京百司時秘書雖

有監少監丞郎校書郎正字著作郎佐皆以為寄祿

官常帶出入秘監

即今中大夫也

即官至秘書監有特令供

職者有以他官兼領者有以判秘閣官兼判官

至道中宋

以翰林學士承旨兼秘書監淳化中李至自前執政以禮部侍郎兼秘書監祥符九年楊億以秘書監判

秘閣兼秘書省事

凡邦國經籍圖書悉歸秘閣而秘書所掌

常祭祀祝版而已

兩朝國史志

元豐正名以崇文院為秘

書省既罷館職

國初三館直館直校勘通謂之館職必試而命不試而命者皆異恩

盡

以三館職事歸秘書省置秘書省職事官自監少至

正字不領他局初除龍圖閣學士王勝之為秘書監

時寄祿官已正議大夫蓋裕陵欲重此選又勝之雅

有文學故也監掌書籍圖史天文厯數之事屬有五

著作佐郎秘書校書正字各以職隸於長貳惟日厯

非編修官不預宣和初改元豐之制增定為十八員

以徵唐登瀛之數建炎三年罷紹興元年復置

舊秘書省

建於禁中至是權寓臨安府法惠寺十四年朔新省於大井巷之左

五年立定十八人

為額太史局文德殿鍾漏所隸焉隆興元年詔監少

丞外以七員為額二年詔依祖宗舊法更不立額元

置秘書監掌經籍圖書領著作等局司天臺隸焉其

屬有秘書少監秘書丞校書郎等員

羣書要語孫伯鷹司晉之典籍

左傳

又有承明金馬著作

之庭

班固西都賦

有辟雍東觀蘭臺石室宣明鴻都之藏

後漢

儒林

蘭臺秘書省署耳

魚豢魏畧

御府秘書外府也

韓送鄭校理序

秘監曰大蓬

鄭氏談綺

秘書不是監以其職品清重非他監

比也

因話錄

矧上清之冊府侔方丈之仙瀛

賡表類

秘府藏

書雲委簡編之富瀛洲通籍朋來俊乂之游

拜貺清

都叅華藏室

道家蓬萊重踐育材之地

朱鸞素鵠

羣翔於崑閬之庭神薏丹芸列植於雲霄之囿

神經

秘牒猥窺東觀之書

乘槎問漢敢忘意於英躔入館

登瀛遽叨名於仙籍 書局備員 入預書林 蘭臺

金馬天祿石渠旣侔東壁二星之躔又曰上帝羣玉之

府 籤帶紛紜聚四部之學以充其內紳綏輝煥擇一

時之俊以游其間並同上 謂當扣翠微而排闥闔何為羞

崑崙而薄蓬萊張于蓬島獲窺於國史楊億 芸香之職

自草紫泥之詔遂違羣玉之峯並同上

詩句綠編方委閣素簡日盈軒沈約 並入紅蘭署偏親白

玉規白樂天 秘書何寂寂無乃羈英豪李白 暫阻蓬萊

韋秘書

客終為大海人

杜甫寄題鄭
秘監湖上

蓬萊漢閣連

杜詩

鴛鴦叨雲

閣麒麟帶玉除

杜贈才子
入秘書

古今事實

仙室蓬觀

華嶠後漢書曰學者稱東觀為老氏藏室道家蓬萊山
注東觀經籍多蓬萊海中神山為仙府幽經秘錄皆在
焉又王融曲水詩記言事於蓬觀謂藏室也

外臺內閣

太和中秘書丞薛夏嘗以公事移蘭臺蘭臺自一臺也而秘書署耳或謂夏不得移也推使當有坐者夏報之曰蘭臺為外臺秘書為內閣臺閣一也何不可相移之有蘭臺屈無以折自是之後遂以為常

魏志王肅傳

秘府之室

漢以天下文籍悉在廣內秘府之室謂之秘書

漢書

策府之山

穆天子西登崑崙見王母曰登已至於羣玉之山先王

所謂策府也

穆天子傳

稱曰麟室

唐藏書之地有昭文崇文之館有集賢書院有修文弘文司文以至蓬萊書殿曰乾元修書院曰秘書內外省曰內庫曰三館曰秘書秘府曰蘭臺麟室

六帖

改為麟臺

漢御史中丞在殿中掌蘭臺秘書圖籍唐以秘書省為蘭臺漢西京未央宮中有麒麟閣亦藏秘書即揚雄校

書之處也唐改秘書為麟臺

六典

故稱芸臺

芸香辟紙魚蠹故藏書臺稱芸臺

魚蔡
典要

又陳子昂集芸

局都興見天下之圖

謂之木天

內諸司舍唯秘閣最宏壯穹隆高敞相傳謂之木天

同上

省多文士

後魏世祖欲用伊馥為尚書馥辭曰中秘二省多諸文

士請叅其次遂拜中護軍秘書監

書為中經

荀勗與張華依劉向別錄整治書籍亂者以為中經

十八學士

太宗為秦王銳意經籍於宮城之西門建文學館以待
四方之士於是杜如晦房玄齡等並以本官兼弘文館
學士圖其形狀上命褚亮為贊藏之書府故號十八學
士時人謂之登瀛洲

四明狂客

賀知章授秘書監自號四明狂客及秘書外監

稱其五絕

虞世南為秘書監太宗稱其五絕一德行二忠直三博

學四文辭五書翰

並唐書

謂之五絕

秘書省內有落星石薛少保畫鶴賀秘監草書郎餘令
畫鳳相傳號為四絕元和中韓公武為秘書郎挾彈中

鶴一眼時謂之五絕

職林

自撰竹書

荀勗領秘書監汲郡冢中得竹書勗自撰次經傳闕文
多所證明

自作石頌

西京秘書省廳事前有隕星石隋自咸陽移署於此王

邵作瑞石頌以贊美之

西京雜記

以為病坊

唐以望雖清雅而實非要劇權貴子弟及好利誇侈者
率不樂此職以監為宰相病坊丞及著作郎為尚書郎
病坊秘書郎及著作佐郎為監察御史病坊

類要

以為登瀛

建炎南渡稍置館職紹興定制除監少丞外以著作郎
佐郎秘書郎校書正字通十二員為額倣唐瀛洲十八

學士之數

容齋
隨筆

徑躋清要

秘書監其遷出他司非郎官即御史自乾道以後有旨
須曾任知縣始得除臺察曾任郡守始得為郎三館之
士固無有歷此者於是朝廷欲越次擢用乃以為將作
軍器少監既班在郎上則無所不可為欲徑躋清要者
則由著作秘郎而拜左右二史不然不過兼權省郎年
歲間求一郡而去而御史之除皆歸六院矣

同上

一見秘書

李邕見特進李嶠自言讀書未徧願一見秘書假直秘

書未幾辭去嶠試問與篇隱帙了辨如響

唐書

三八東觀

詔曰尚書華嶠體素弘簡文雅皆通歷覽古今博聞多
識著書實錄有良史之志轉為秘書監其加散騎常侍
班同中書寺為內臺使中書散騎著作及治亂音律天
文數術南省文章門下撰集皆典領之嶠表謝云伏見
詔書以臣為秘書加位常伯昔劉向父子世典史籍馮
融通博三入東觀非臣膚淺所敢比迹

華嶠集

圖籍博學

唐國朝已來有魏徵虞世南顏籀為秘書監設官之重
得賢之盛人到于今稱之以文學博雅長圖籍長秘府

白居易許
貴同制

自重其官自遠其道思與虞顏為比

同上

圖書養性

宋真宗以楊徽之兼秘書監召謁使殿命坐屏左右上
勞問久之且曰圖書之府清靜無事可以養性也

校定秘書

魏徵遷秘書監奏引學者校定四部書自是秘府圖籍
燦然畢備

叅預朝政

魏徵為秘書監叅預朝政

談論規諷

虞世南為秘書監太宗引之談論及古今帝王行政得
失必存規諷太宗謂侍臣曰朕因暇日每與世南商略
古今朕有一言之善世南未嘗不悅有一言之失未嘗

不恨悵朕嘗戲作豔詩世南進曰聖作雖工體制非雅上之所好下必隨之此文一行恐致風靡不敢奉詔其懇誠若此

論議持正

世南已衰老屢乞骸骨不聽遷太子右庶子固辭改秘書監外若不勝衣而中抗烈論議持正太宗常出行有司請載副書以從帝曰虞世南在不憂朕無書也世南薨帝曰石渠東觀之中無復人矣世南著北堂書抄盛

行於代

廣記

兼該詞學

太宗以顏師古體業淹和器用詳敏學該淹洽詞兼典麗命為秘書監

讚述符命

庾峻自司空長史轉秘書監嘗讚述符命天文地理因有述焉

以文章召

歐陽修以文章名冠天下景祐初召試為館閣校勘

東都

事
畧

以文士直

李建中傳蘇易簡與太宗論文士因及建中太宗亦素知之命直昭文館

更迭補外

乾道元年二月詔館職所以招延天下之英俊苟不親吏事知民情則將來何以備公卿之任今後更迭補外

孝宗

會要

同在館閣

宋綬字公垂年十五召試中書真宗竒其文聽於秘閣
讀書久之召試學士院為集賢校理與父郊同任世以

為榮

同上

賜飛白書

宋太宗飛白秘閣二字賜李至高宗賜御書右文殿牌
仍詔將作監米友仁書道山堂牌

賜紫章服

淳熙五年孝宗幸秘書省御製詩一首賜宰臣史浩以下秘書監陳騏少監鄭丙賜紫章服

作白頭老

張齊賢改秘書監致仕嘗出謁其子曰昔賀秘監脫屣軒冕以歸會稽大人盍衣羽服以優游何必更事請謁齊賢曰吾且作白頭老監枕書而眠何必學賀老作流沙之服時以為名言

勝枝頭乾

元祐初用治平故事命大臣薦士試館職一時名士在館率論資考次遷未有越次進用者皆有滯留之難張文潛晁無咎俱在其間一日二人閱朝報見蘇子由自中書舍人除戶部侍郎無咎以為平緩曰子由此除不離核謂如果之粘核者文潛曰豈不勝汝枝頭乾乎聞者皆大笑

東北有李每熟不得摘輒便槁土人因取藏之故謂之枝頭乾並同上

舉其秀異

張舜明字芸叟元祐初司馬光舉舜明才氣秀爽剛直

敢言召試秘書校理

東都事略

稱曰遺逸

謝靈運為秘監秘閣之遺逸

本朝實錄

宣明史籍

漢桓帝延熹二年初置秘書監溫嶠舉荀崧為秘書監
曰國史之興將明得失之迹謂之實錄使一代之典煥
然可觀散騎常侍崧文質彬彬思義通博歷位先朝蒞

事以穆宜掌秘奧宣明史籍

東觀漢記

刊正奇字

唐顏師古為秘書監專典刊正所有奇書難字衆所共惑隨疑剖析曲盡其源

刻置木偶

柳誓煬帝嗣位拜秘書監退朝之後便命入閣言宴諷讀終日而罷帝每與嬪后對酒時逢興會輒遣命之至與同榻共席恩若友朋帝猶恨不能夜召於是命刻木

偶人施闕機能坐起拜伏以象於誓帝每月下對酒輒
令宮人置之於座與相酬酢而為歡笑

按隋書作柳誓
未詳誓音辯

羸若枯藤

至道中賈黃中自澶州受代赴闕先豐碩雄壯自是頓
羸瘵鬱若枯藤上憐之拜禮部侍郎兼秘書監以黃中
素嗜文集而秘府無事優之也

古今文集

雜著

代宰臣以下賀車駕幸秘書省表

呂伯恭

東觀書林久徠漢儀之觀西崑策府載瞻周馭之臨嗣
三紀之閱暮軼百王之盛節中賀竊以斯文崇替與世降

升自我祖宗嚴載籍萃藏之地于時典冊踵乘輿游幸
之書從容箴誨之求廣大峻良之聚災圖再造華省一
新爰親御於右文用仰繩於前武重明善繼太極丕承
乙夜牘陳念初載網羅之不易昕朝班入思中興儲養

之有原乃臨三館髦彥之躔乃展列聖圖書之典帝暉
下矚光榮河溫洛之藏天藻昭垂跨過沛橫汾之詠湛
露示醇醲之惠承雲宣純繹之音一日萬幾曾靡齋居
之暇九流七畧獨煩清蹕之留蓋以恢稽古尚德之風
夫豈為飾治樂成之舉聲明布護慶澤汪洋恭惟皇帝
陛下秩敘邦經裁成王度多聞將求建事既惠顧於簡
編大亨所以養賢復均盼於肴醴士心興起雅道流行
臣等服在具僚身逢昌會第從臣之頌敢揚厲於鴻休

近天子之光請具宣於德意

登秘書省閣詩序

楊盈川

若夫麒麟鳳凰之署三臺四部之經周王羣玉之山漢
帝蓬萊之室觀星文而攷南北大象入於璣衡披帝冊
而質龍神負圖出於河洛司先王之載籍掌制書之典
謨劉向沈研揚雄寂寞之士於茲翰墨馬融該博傳毅
文章之才此焉游處莫不出言斯善有道則尊黼黻其
德行珪璋其事業心同匪石達人千載之交手握靈珠

文事一都之會陶泓寡務油素多閒命蘭芷之君子坐
芸香之秘閣徒觀其重欄四絕閣道三休紅梁紫柱金
鋪玉礪平看日月唐都之物候可知坐望山川裴秀之
輿圖在即虹蜺為之回帶寒暑由其隔闕豈直崑崙十
二瀛海千尋西州有百尺之樓東郭有千秋之觀于時
五行金王八月秋分風生閭闔之門日在中衡之道煙
雲悽慘白露下而四郊空林野蒼茫青天高而九州迴
登山臨水無非宋玉之詞高閣連雲有似安仁之興列

方饌命雕觴扼腕抵掌劇談戲笑假使神仙可得自茂
松喬富貴在天終輕許史間之以博奕申之以詠詠陶
陶然樂在其中矣登高而賦羣公陳力於大夫聞善若
驚下走自強於玄晏輕為序引綴在辭章

館閣續題名記

張宦

上即位之五年實紹興改元歲在辛亥二月丙戌詔以
多難未弭人才為急其復秘書省直監若少監一人丞
著作郎佐郎各一人校書正字各二人以待四方雋傑

之士又叅酌舊制校書郎正字召試學士院而後命之
自是採求闕文補綴漏逸而四庫書籍亦云畧備矣越
三載即秘書省復建史館以修神宗哲宗兩朝實錄選
本省官兼檢討校勘官侍從官充修撰明年詔倣唐十
八學士之制監少丞外置著作佐郎秘書郎各二員校
書郎正字通十二員立為定額又明年移史館於省之
側別為一所以增重其事而校勘官或以他官兼之至
紹興九年修徽宗皇帝實錄乃即史館開實錄院以本

省官或他官兼檢討以修撰官如史館例明年未修正
史詔罷史館併為實錄院以正名實而著作局唯修纂
日歷焉凡在茲選均謂之館職所以儲蓄英髦以備任
使臺諫禁從於此乎取之故所除授纔十五六而員額
之闕幾半蓋遴選也異日謀謨廟堂安社稷於談笑垂
功名於竹帛者不無其人豈但摩研編削將以頌中興
詠聖德為太平之文飾而已哉宦材朽學落五年間再
獲遺跡英游實與榮幸竊惟祖宗三館秘閣之制因革

損益麟臺故事載之詳矣獨紹興以來題名未有石刻
則擢序之先後居職之久近歲月遷改將無所攷於是
作館閣續題名記且使來者可述焉紹興二年七月
記

律詩

和閣老舍人曝書會詩

錢穆父

天祿圖書府芸籤歲曝頻
幡經窮藏室賜會集儒紳
顧陸高標好鍾王妙入神
同攜鉛槧吏來預石渠賓

和秘閣曝書會詩

薛之奇

宴豆追儒雅簪纓成禮容中天開壁府左海見鼇峯汗
簡陳三館湘圖喚九重黹微方思敏十吏筆能供

和車駕幸秘書省二首

呂伯恭

麟臺高柳識雕輿共記中興幸省初黃道再傳天子蹕
青編重入史臣書需雲下際君恩盛宸露高張樂節舒
若寫鴻猷叅大雅定非周鼓頌田漁

又

紫清丹極與天鄰
闔闢乾坤繫笑嚔
獨為斯文回一顧
坐令吾道重千鈞
先王舊物參差見
列聖明謨次第陳
墨客區區感榮遇
豈知深處在異倫

恭和御製秋日幸秘書省近體詩

呂伯恭

麟閣龍旂日月章
中興再見赭袍光
仰觀焜燿人文盛
始識扶持德意長
功利從今卑管晏
浮華自昔陋盧王
願將實學酬天造
敢效明河織女襄

恭和御筆幸秘書省詩二首 周必大

羣玉西崑富典章二星東壁燦輝光
秋花迎仗千叢麗法曲傳觴九奏長
虎將縱觀修舊事勇冠陪侍仰明王
政修即是攘戎策玃狁殘祆豈足襄

又

蟠木離奇愧豫章幾年封植荷恩光
石渠久綴英髦後金鎖深慚學識長
御墨奎文瞻列聖雷尊篆鼎備三王
願言作德酬榮遇寧復矜才似智襄

送孫從之秘監歸朝供職

周必大

蚤看鵬鵬萬里風
晚陪劍履大明宮
誰知九郡提封廣
還許三年使事同
我合掛冠尋舊隱
君當補袞用新功
中興盛事人應說
五紀吾邦四少蓬

秘閣伴直

鄭谷

秘閣鎖書深
牆南別晚岑
吏人同野鹿
庭木似山林
淺井寒蕪入
迴廊疊蘚侵
閒看薛稷鶴
共起五湖心

寄胡文定及劉恭父

朱元晦

先生去上芸香閣閣老新裁豸角冠留取幽人卧空谷
一川風月要人看

送胡文定秘閣供職

朱元晦

祖餞衣冠滿道周此行誰與話端由心知不作功名計
只為蒼生未敢休

東觀曝書會詩

孔常甫

書會青雲事來遊羣玉峯琅函窺一一金鑰發重重

送鄒懷英

張孝祥

往昔千官班渠曾綴簪裾今者尺一追問津承明廬蓬萊道家山紫極帝所居功名儻來爾步武當徐徐

秘省後廳

白居易

槐花雨潤新秋地桐葉風飄欲夜天盡日後廳無一事
白頭老監枕書眠

戲酬盧秘書

王建

芸香閣裏人採摘御園春取此和仙藥猶治老病身

呈袁秘書

劉克莊

近日頻聞有峻除人傳君相重師儒細旃坐穩方輪講
羣玉峯高未要扶別後曾過東閣否新來已乞鑑湖無
幾時供帳都門外真寫先生作畫圖

偶作寄王秘書

齊已

七絲湘水秋深夜五字河邊日暮時借問秘書郎此意
靜彈高詠有誰知

詩話

詠石榴詩

孔紹安大業末為監察御史時高祖為隋討賊於河東
詔紹安監高祖之軍深見接遇及高祖受禪紹安自洛
陽間行來奔高祖見之甚悅拜內史舍人時夏侯端亦
嘗為御史監高祖軍先歸朝秘書監紹安因侍宴應詔
詠石榴曰祇為時來晚開花不及春時人稱之

秘書少監

歷代沿革隋煬帝置一人後又改為令唐龍朔中改為
侍郎神龍初復太極元年增少監為二員通判省事

宋初為寄祿官元豐正名始實有職事初除葉均
繼除孫覺皆一時選也掌貳書籍國史天文歷數之

事元秘書監之下有秘書少監

詳見秘書監沿革

羣書要語還貳書省

曲阜制

豈惟典領圖籍為縉紳之榮

庶以收集賢材增朝廷之重

同上

詩句學蔚醇儒姿

杜贈少監蘇源明

文包舊史善

同上

秘書茂松

意

同上

班秩兼通貴公侯出異人

杜寄李十五秘書

古今事實

儒素見稱

王紹宗秘書少監侍皇太子讀書紹宗性澹雅以儒素見稱朝廷之士咸仰慕之

才德兼茂

蕭德言年老請致仕太宗不許詔曰頃年已來天下無事方欲建禮作樂偃武修文卿年齒已衰敎將何恃所冀才德兼茂卧振高風使濟南伏生復在於茲日關西孔子故顯於當今拜秘書少監

刊正書字

見前秘

書監

刊定圖籍

韋繩天寶初入為秘書少監玄宗尚文視其職如尚書
丞郎繩刊定圖籍以善稱職

父子並命

趙崇儒拜翰林學士時父驊遷秘書少監德宗欲寵其
門一日並命

兄弟繼職

王珣為少監數年而弟璠繼職

說臺閣典章

宋朝直秘閣曾幾謚文清入對上大悅以為秘書少監
幾承平時已為是職每與同舍會說前輩言行臺閣典
章從容竟日

修五朝大典

汪大猷字仲嘉除秘書少監當修神宗以來會要大猷

率僚屬分纂上聞之為置局命宰臣提舉書奏五朝之

大典始備

樓攻
媿集

具疏引古誼

上念孫逢吉久外嘗問孫某好士人召為秘書少監上
朝謁重華宮不以時公數具疏引古誼深言又率同館

論奏

同上

落筆如泉湧

王安中字履道自號初寮先生以文學知名有密薦於

上者除著佐踰月蔡京召相見賓吏引入俄抵一室置
几案筆硯有小黃門至云太師致意文字封呈啓之則
某誥某詔若試西掖三題者履道落筆如泉湧閱三日
內批除中書舍人遂改秘書少監

古今文集

雜著

辭免秘書少監兼權直學士院奏狀

周必大

胄膺兼組增震孤衷竊以貳職仙蓬攝官禁苑俱為清
選專用名儒伏念臣蚤誤聖知中歸農畝八歲傾心於
天日一朝稽首於軒墀辱臨遣之溫言將邁驅於暑路
忽叨改命大過初心惟舊學之素迂加比年之病忘雖
厚恩未報詎敢忘魏闕之存然薄技無堪恐難寓禁林
之直固有令行而或反仰祈人欲之曲從

劉攽秘書少監制

錢勰

學者以東觀為老氏藏室道家蓬萊山而國家所以涵

養令器待才用者之宅也以爾攷詞藝之富回翔之久
擢貳厥官益將試用

古詩

和孫莘老少監

黃山谷

上帝羣玉府道家蓬萊山延閣排霄起圖書擅榮觀宮
槐綠牕外岑絕非世間王度日修飭文章麗朝班國器
攻杞梓珍羣揜孔鸞中臺省符移僚屬禮數寬品藻聞
英鑒賞音發清彈儒林數耆舊少監髮新斑

和孫少監

黃山谷

道山鄰日月清樾深牖戶同舍多望郎閒官無窘步少
監巖壑姿宿昔廊廟具行趨補袞職黼黻我王度

律詩

再任秘書少監

洪玉甫

再入蘭臺逢舊史重遊東觀閱新書家徒四壁今無屋
誰為君王奏子虛

寄孫少監

秦少游

天上圖書幾似舊人間歲月浪如馳
鰲頭只見蓬山伴
行赴蟠桃熟後期

秘書丞

歷代沿革魏武帝置秘書左右丞以劉放孫資充之典
尚書奏事後省晉以秘書入中書謂之中書秘書丞
惠帝又置秘書丞宋齊並一人梁陳後魏北齊皆因
之後周柳蚪為秘書丞時秘書雖領著作不叅史事
因蚪為丞始令監掌唐龍朔二年改為蘭臺大夫咸

亨復舊掌府事勾稽省署抄目宋淳化六年詔秘書
監丞仍舊惟無定員及不專職分蒞中外之任元豐
正名始定為職事官掌叅領書籍國史天文歷數之
事元有秘書丞在秘書少監之下

詳見秘書
監沿革

羣書要語俄遷秘書丞司文天閣

文選褚
淵碑

秘府丞屬職

任清華

初察除
姚宰制

丞于秘丘

胡文
恭制

丞清聯於本省

陳藻
制

進

丞秘局

范徽
之制

詩句盛業光書府微人盡國英

源乾曜和赴
集賢院宴詩

直事披一

省重闕秘七門

宋之問冬夜
寓直麟閣

縱欲抄前史貧難遂此心

張栻秘
書伴直

莫將芸閣輕科第須作人間第一人

趙暇贈
李秘書

古今事實

絳服墨綬

晉令秘書丞品第六銅印墨綬進賢一梁冠絳朝服

銅印黃綬

梁增品第五秩六百石銅印黃綬

宜乘鹿車

秘書丞郎乘鹿車不得朝服失崇儒本意

王肅
表論

若在雞羣

晉嵇紹雅有文才山濤啓武帝可秘書郎帝曰如卿所言乃堪為丞何但郎也乃起家為丞紹始入洛或謂王戎曰昨於稠人中見紹昂昂然若野鶴之在雞羣

晉書

職近日月

魏王肅言秘書丞郎與博士議郎同職近日月宜在三臺上秘書丞郎宜比尚書丞郎

魏志

學編古今

庾峻字山甫好學有才思轉遷秘書丞徧觀古今聞見

益廣

王隱
晉書

呼為薛君

魏文帝與薛夏推論書傳未嘗不終日每呼之不名謂

之薛君

並同
上

繆以為郎

何禎為許都賦封上帝異之下公車特徵到用為尚書

郎詔用為秘書丞主者繆以為郎後月餘禎闕事上問曰吾本用禎為丞何故為郎案主者罪遂為丞

天水此丞

薛夏字宣聲天水人也博學有才文帝嘉其才黃初中為秘書丞征東將軍曹休來朝時帝方與夏有所諮論而休到帝引入坐定帝引夏出謂休曰此君秘書丞天水薛宣聲也其見遇如此

起家為丞

見前若在雞羣注

著書敘錄

後漢李彪遷秘書丞分領著撰事自元成帝已來至於
太和崔浩高允著述因書編年敘錄為春秋之體創為
紀傳表志之目焉

數奏文賦

嚴苞黃初中以高才入為秘書丞數奏文賦帝異之

王儉求校

王儉字仲寶為秘書丞上表求校墳典依七畧撰七志四十卷獻之

栢嗣知名

晉中興書栢嗣少知名初拜秘書丞遷秘書郎

宜得才人

魏文帝用何禎為秘書丞敕云此職宜得才人

處以清官

齊張率遷秘書丞高祖曰秘書丞天下清官東南曹緒

未有為之者今以相處為卿定名譽

曰第一官

梁劉孝綽除秘書丞武帝曰第一官當與第一人

惟得一人

隋姚察入為秘書丞文帝指謂朝臣曰聞姚察學行當今無比我平陳惟得此一人

秘書郎

歷代沿革後漢馬融為秘書郎詣東觀典校書及魏武

建國又置嘗以劉劭為之出乘鹿車晉掌中外三閣
經書校閱脫誤亦謂之郎中武帝分秘書圖籍為甲
乙丙丁四部定中外四部經書覆校闕遺正定脫誤
使秘書郎中四人各掌其一宋除中字齊因之尤為
美職皆為甲族起家之選待次入補梁多以貴遊子
弟為之陳著令令僕子起家為之後魏置四人至北
齊又增中字謂之郎中隋祖諱中除中字唐分判校
寫工程龍朔中改為蘭臺郎咸亨復舊天授初曰麟

臺郎神龍初復舊唐秘書郎三人掌四部圖籍皆有
三本一曰正二曰副三曰貯宋初為寄祿官元豐正
名始有職掌刊寫分貯集賢院史館昭文館秘閣經
籍則秘書郎主之元祐四年秘書郎並除陞朝知縣
已上資序人任滿除集賢校理紹聖初罷校理元亦
置秘書郎之職

羣書要語發秘府覽書林

揚雄劇秦
美新論

校理則用天下之

名士能文學者

韓文

或解巾以司讎校或決科而登館殿

推德與
廳壁記

圖籍之府命汝為郎

白樂天制

持三寸筆終入芸香

之閣

陳子昂集

石渠司籍

陳希烈制

身登三閣

陸機制表

秘書郎掌中

外三閣秘書也

延賓冊府

初寮除孫近制

職清秩美

南豐擬制

詩句蓬山振雄筆

李白

上君白玉堂

杜甫

飛騰知有策意度

不無伸

杜寄十
五秘書

漸階羣振鷺入學誨螟蛉

韓愈答
張秘書

清省

宜寒夜仙才稱獨吟

喻坦之和范
秘書省中詩

君詩多態度藹藹春

空雲東野動驚俗天葩吐奇芬張籍學古淡軒鶴避難

羣

韓醉贈
張秘書

靡蕪與丹桂奇心復奇骨已蔽蒼龍門又影

鳳凰閣

古今事實

典校秘書

後漢馬融有俊才為秘書郎詣東觀典校秘書時儒士
以為文德可興武功宜廢遂寢蒐狩之禮戰陳之法融
上廣成頌以諷諫忤旨滯於東觀十年不得調後在東
觀著述馬融才高博洽為世通儒

審正圖籍

後魏高謚字安平有文武才度天安中以功臣子召入禁中除秘書郎專典秘閣謚以墳典殘闕奏廣訪郡邑大加繕寫由是圖籍稍以審正

專精學問

司馬彪少篤學不倦不交人事專精學問泰始中為秘書郎又轉為丞

徧觀圖籍

張績字伯緒為秘書郎因求不遷欲徧觀閣內圖籍

思三都賦

左思專思三都賦自以所見不博求為秘書郎

博十年學

賈威授秘書郎不肯調者十年其學益博

弱冠齊名

王謚弱冠有美譽與王綏齊名除秘書郎

別駕後名

魏王基字伯與黃初中察孝廉除郎中時青土初定刺

史王凌特表請基為別駕後召為秘書郎凌復請還頃之司徒王朗辟基凌不遣朗書劾州曰凡家臣之良則升於公輔公臣之良則入於王職是故古者侯伯有貢士之禮今州取宿衛之臣留秘閣之吏所希聞也

五歲見奇

魏鍾會字士季少敏慧夙成中護軍蔣濟著論謂觀其眸子足以知人會生五歲見者奇之正始中為秘書郎

十五對策

王承字安期七歲通易選補國子生十五對策高帝除秘書郎中

有限有競

王敬弘子恢之為秘書郎敬弘求為奉朝請與恢之書曰秘書有限故有競朝請無限故無競吾欲處汝無競之地於是文帝許之

宋書

不清不要

李素立武德初以親喪解官起授七品清要有司擬雍州司戶叅軍帝曰要而不清復擬秘書郎清而不要

朱紫今別

鄭默為秘書郎刪省舊文除其浮穢著魏中經時中書

令虞崧曰而今後朱紫別矣

王隱
晉書

簡素不同

蕭惠開家雖貴戚而車服簡素初為秘書郎秘書著作並名家年少惠開意趣與之多不同比肩三年不共語

沈約
宋書

宋袁製詩

宋袁勤學好屬文在陳時釋褐為秘書郎嘗製千字詩
當時以為盛作陳後主聞名入禁中使為月賦袁染翰
立成後主曰觀謝希逸不能獨美於前矣又使為芝草
嘉蓮二頌深見賞重

上官視草

唐上官儀遷秘書郎太宗每屬文遣儀視草工詩人謂

之上官體

休沐誦書

任敬為秘書休沐闔門誦書

元日奏頌

唐岑文本除秘書郎元日奏籍田三元頌文致華瞻

率同館奏

國朝彭忠肅公龜年除秘書郎時傳召姜特立公白丞相留公恐非虛傳旣而果然公引李絳事求退公率同

館論奏且勉樞廷爭之遂寢

樓政
魏集

久次秘書

秘書張聞忠肅公時秦檜用事每除臺諫必以其耳目
知聞久次喜論事一日微諷聞謂當入臺聞曰丞相苟
見知老死秘書足矣秦檜默然由是罷去

古今文集

雜著

秘書郎壁記

權德輿

按六典秘書郎四人從六品上分掌四部書以甲乙丙丁為之自昔漢武帝聚天下文籍於廣內謂之中秘書魏晉之際秘書與中書或分或合故云職近日月宜居三臺之上丞郎之位與南宮相亞歷代辨論與時輕重國初思漢庭延閣之制薄江左貴遊之選始以岑江陵虞永興褚河南迭為之厥後彬彬多文學之士然則先王之法志官師之訓典九流百代如貫珠然學與仕皆優而旋相為用者其在茲乎今年春滎陽鄭君具瞻自

涇陽尉承詔授任鄭君質重而有敏行坦夷而含明識
且今中書相君之令弟也方以結綬滿歲調於選部言
吏資者積三遷而後至今超居之有以見申恩審官與
怡怡綽綽之道為盡美矣在晉鄭默領中外三閣始刪
煩文而朱紫不雜開元初君之王考潁川府君叔祖刑
部府君皆繇禮官博士繼登其任諸父諸兄或解巾以
司讎校或功次而奉朝請含章筮仕多在於斯猶桓公
武公之代為卿士蓋善於其職而宜之之義也謂鄙人

嘗學舊史能知書府官業之所繇是俾編次郎位彰施

屋壁

時貞元庚辰
秋七月記

辭免秘書郎狀

朱元晦

聞命震驚罔知所措竊以聖主寤寐俊傑圖起事功片
善寸長靡不收用巖穴幽隱亦弗棄遺遂使妄庸有此
遭遇恩德隆重捧戴難勝豈敢飾詞遜避以孤獎拔之
意然竊竊惟國家開建圖書之府所以儲蓄秀異之才
選試有程未始輕授郎以奉守為職雖異典校之官然

自昔相承或用以處老成耆德之士如燾凡陋豈所克
堪今若貪冒寵榮不自量度此必坐取嘲笑以累聖主
知人之明又况頃年屢以多病不才懇辭召命已蒙聖
慈洞照肺腑蓋旣憐其愛君憂國粗有畎畝夙夜之誠
而又知其衰朽無庸重閔勞以官職之事故凡所以假
借褒嘉惠養全活之意雖非愚賤之所當得然天地父
母委曲生成之恩則有不可以終辭者此燾所以懇辭
踰年而卒不敢拜明命且復具以此意附奏陳謝其所

以感恩自誓之誠皦然而不可欺者今乃欲因聖主前日所以假借惠養之資而遂寅緣以冒進擢無涯之寵則是古人所謂登龍斷而左右望以罔市利者不惟士夫清議有所不貸而熹之不肖亦竊羞之是以恐懼回皇不可祇受

校書郎

歷代沿革漢之蘭臺及後漢東觀皆藏書之室當時文學之士使讎校於其中故有校書之職

初漢成帝已命光祿大夫

劉向於天祿閣校經傳諸子詩賦步兵校尉任宏校
兵書太史令尹咸校數術太醫監李柱國校方伎後
以諸大夫揚雄等
亦典校於其中
又選他官入東觀皆令典校秘書

或撰述傳記蓋有校書之任而未為官也故以郎居

其任則謂之校書郎

明帝召班固為校書郎除蘭臺
今史後遷為郎典校秘書又劉

珍與校書郎劉駒駱馬融校定東觀五經傳記百家
藝術整齊脫誤校正文字又楊終徵詣蘭臺拜校書

郎竇章為東

以郎中居其任則謂之校書郎中

後漢
蔡邕

拜郎中校書東觀又馬融為
校書郎中請東觀典校秘書

當時重其職故學者稱

東觀為老氏藏室道家蓬萊山至自漢魏歷晉宋齊

梁陳皆博學之士往往以他官典校秘書至後魏秘書省始置秘書校書郎後周屬春官之外史唐掌讎校典籍為文士起家之良選其弘文崇文館著作司經局並有校書之官皆為美職而秘書省為最校書郎十人正九品上掌讎校典籍刊正文字皆辨其訛繆以正四庫之國史焉宋初為寄祿官元豐正名始實有職掌編緝校正定其脫誤則校書郎主之建炎初罷紹興復置又叅酌舊制必召試學士院而後命

之元秘書省置校書郎

羣書要語校理秘文

西都賦

典校蓬山

白集

臺有蘭兮閣有

芸

白樂天賦

典校延閣服膺羣書

杜牧之行制

頻分溫媪之疑任

懼魯魚之繆久披湘帙粗定鉛黃

開運二年進唐書表

官聯秘閣

職在校文

六帖

官惟司典職在校文

同上

冊府校讎之官以

待儒學之士

曲阜除孔武仲制

典校書林

王哲制

中校秘圖有辨

章訂正之益

詩句盍脫校書郎

武后時人

風流半刺史清絕校書郎

東坡擁

書天祿閣奇字校偏傍

王荆公詩

並入紅蘭省偏親白玉規

蓋為校書郎也元集酌白樂天之詩

才子富文華校讎天祿閣

韓退之送鄭校理

校書著作頻召除猶能正車問何如

黃山谷

卷裏詩過一

千首白頭來作校書郎

白居易與王建

終朝守玉署方夜傍石

扉

劉孝綽校書秘書省雪夜詠懷

校文在仙掖每有滄洲心

儲光羲酌茶校書

忽從被褐中召入承明宮

盧象贈程校書

古今事實

青藜照書

劉向校書天祿閣夜有老人植青藜杖杖端出火以照
向曰我是太乙之精天帝聞卿金之姓有博學者下而
觀焉

白虎考論

東漢楊終顯宗時拜校書郎上言宣帝論定五經於石
渠閣令宜如故事於是詔諸儒於白虎觀考論異同

詔領秘書

前漢劉向字子政遷光祿大夫而上方精於詩書觀古

文詔向領校中秘書

賜副秘書

班游與劉向校秘書每奏事游以選受詔進讀羣書上
器其能賜以秘書之副

神童校書

楊炯幼聰敏博學善屬文神童舉拜校書郎

進士中補

白居易敏悟絕人擢進士拔萃皆中補校書郎

講究傳記

劉歆與父向領校秘書講六藝傳記諸子無所不究

窮覽典籍

東漢馬融拜校秘書郎中在東觀十年窮覽典籍上廣

成頌

整齊脫誤

劉珍永初中鄧太后詔與五經博士校定東觀五經諸

子傳記百家藝術整齊脫誤定正文字

校閱書籍

段成式以蔭官入為校書郎研精苦學秘書閣書籍校閱皆遍

可比衛公

孔季翊初擢制科授校書郎陳子昂稱其神清韻遠可

比衛公

並唐書

可為國器

房玄齡校讎秘書省高孝基謂裴矩曰僕觀人多矣未

有如此郎者當為國器但悵悵不見其聳壑昂霄

畫像勸學

高彪校書東觀後遷內黃令帝勅同寮臨祖送於上東門詔東觀畫彪以勸學者

騎驢詠詩

開元中校書正字俸祿微少孤寒英傑者居之或有不辨正字乘驢入省時有語曰正字校書詠詩騎驢

作神雀頌

賈逵自童兒常在太學諸儒為之語曰問事不休賈長頭顯宗時有神雀集宮殿府帝勅蘭臺給筆札使作神雀頌拜為郎與班固並校書應對左右

作顯宗頌

傳毅字武仲肅宗召文雅之士以毅為蘭臺令史拜郎中與班固賈逵共典校書毅追美孝明帝功德最盛而廟頌未立乃依清廟作顯宗頌十篇奏之由是文雅顯於朝廷

以賞盡言

鄭鑑字自明試館職上問今合除何官龔茂良對曰前此學官召試往往止除正字上曰可除校書郎賞其盡言因曰策中所言或是或非大率剴切不易

以非急務

後漢盧植在東觀校中書帝以非急務轉為侍中

求正六經

後漢蔡邕拜郎中校書東觀以去聖久遠文字多繆乃

求正定六經文字自書冊於碑始立摹寫者車乘日千餘兩

疏論大將

宋時張公闡字大猷為校書郎時諸大將恃功邀爵賞又時禁衛單寡公上疏極論之厥後稍進退諸將召諸道兵補三衙闕額往往符公言

為復禮鄉

唐徐岱於學無所不通辨論明銳座人常屈大厯中劉

晏表為校書郎觀察使李栖筠欽其賢署所居為復禮鄉名達於朝

號盪脫郎

唐武后時官濫人謠曰補闕連車載拾遺和斗量權椎侍御史盪脫校書郎

未嘗一至門

陳公輔自國佐除校書郎公初入館閣時蔡京王黼當國無所附麗未嘗一至門

未嘗詣執政

陳正獻公俊卿以秘書省校書郎召非公事未嘗詣執

政

楊誠齋文

屏事益讀書

王文定公淮為校書郎既入館屏去人事益讀未見書

休假亦入抵暮始歸

樓攻媿集

安分不介意

汪莊敏公澈遷校書郎安分無求視同舍郎數遷殊不

介意

周誼
公集

古今文集

雜著

送鄭涵校理序

韓愈

秘書御府也天子始更聚書集賢殿別置校讎官曰學士曰校理常以寵丞相為大學士其他學士皆達官也校理則用天下之名能文學者苟在選不計其秩次由是集賢之書盛積書盡秘書所有不能處其半書日益

多官日益重四年鄭生涵始以長安尉選為校理人皆
曰是宰相子能恭儉守教訓好古義施於文辭者如是
而在選公卿士夫家選之子弟其勸耳矣愈事相公三
為屬吏今生始進仕獲重語於天下而慊慊若不足真
能守其家法矣

古詩

題登瀛圖

韓子蒼

咸平中天開帝居羣公下直承明廬韓侯畫此時無虞

瀛洲仙人樂有餘我生不及貞觀初却恨十年身校書
吟詩天街騎蹇驢爾來戎馬爭馳驅把卷未展先欷歔

送李校書

杜甫

李舟名父子清峻流輩伯人間好妙年不必須白哲十
五富文史十八足賓客十九授校書二十聲輝赫

題李白畫像

韓子蒼

玉堂學士今劉向禁直嵒堯九天上不須對此融心神
會植青藜夜相訪

律詩

聞富季申遷校書郎作

晁以道

小富從來慰所望青衫叙進校書郎
相公勲業久彌著孫子門闌漸有光
莫話時過已埋沒且非盤脫得分張

送古校書東歸

司空曙

少年芸閣吏罷直暫歸休獨與親知別
行逢江海秋聽猿看楚岫隨鴈到吳洲
處處園林好何人待子猷

代秘書贈弘文館諸校書

李商隱

清切曹司近玉除
比來秋興復何如
崇文館裏丹霜後
無限紅梨憶校書

和寄韋校書

陸龜蒙

萬古風煙滿故都
清才搜括妙無餘
可中寄與芸香客
便是江南地理書

酬韋校書

薛濤

芸香誤比荆山玉
那似登科甲乙年
澹沲鮮風將綺思
飄花散蘂媚青天

寄子先校書

黃山谷

我觀李校書超邁有古風談道屢入微閉門長蒿蓬

答張徹校書

韓退之

清墨竄舊史磨丹注前經義苑手秘寶文堂耳驚霆

寄黃魯直校書

賀方回

材如杞梓各稱良海內知名獨豫章終歲且留天祿閣
人看榮號紫薇郎

古今事文類聚新集卷二十九